

Lozcwngz: Diuqfoux Funghcingz Mulauj-cuz Angq Gvaq “Caet Nyied Caet”

罗城：跳起欢乐仫佬族风情舞庆“七夕”

8 nyied 19 hauh, Lozcwngz Mulauj-cuz Swciyen Dunghmwnz Cin Mbanjsizveizgij gawjbanh hoh “caet nyied cocaet” hozdung, yinx ndaej haujlai hekyouz daeuj yawj, daejniemh fungsug Mulauj-cuz, caeuq vunzlai dangdieg itheij diuqfoux funghcingz Mulauj-cuz, angqhoh ciet caet nyied cocaet conzdungj guek raeuz neix.

(Mungz Cwnghsw/蒙增师)

► Gyoengq hekyouz caeuq vunzlai dangdieg itheij diuqfoux.



► Bouxcoz Mulauj-cuz diuqfoux.



Yungzanh: Haj Cejnuengx Vwnzyidui Gawjbanh Hoh Dingjhoenx Ndae-jhingz 70 Hopbi Vwnzyi Vanjvei

融安：五姐妹文艺队举行庆抗战胜利70周年文艺晚会

8 nyied 14 hauh banhaemh, Yungzanh Yen Fouzsiz Cin Fouzsiz Segih vwnzyidui haj cejnuengx Bouxcuengh singq Cinz haenx youq Fouzsiz Cin vwnzdij cungsim gvjangcangz gawjbanh geiqniemh dingjhoenx ndaejhingz 70 hopbi vwnzyi vanjvei.

Vanjvei geizgan, gyoengq yenjyenz biujyienj 《Daihabciengq Dahvangzhoz》、foux 《Yingjsanhungz》、gagciengq 《Daenggeih Langh Vaiz》、go foux 《Gwnz Dabsunghvahgyangh》、《Caxhung Cinhingzgiz》daengj 12 aen cezmuuz, yienj gij cezmuuz ndei yawj ndaej daengz bouxyawj bekfwngz haenx ndei.

Ciuq cam rox, aen “vwnzyidui haj cejnuengx singq Cinz” neix youq Fouzsiz Cin beizyangj le haujlai vunz vwnzyi maenhndei, gyoengqde aeu gij dingqnyi yawjraen henz ndang guh daez, aeu “bouxguhnaez sij, sij bouxguhnaez, bouxguhnaez yienj, bouxguhnaez yawj” guh yenzcwz, yungh caijdiu、gagciengq、siujbinj daengj lai cungj hingzsik bouxyawj maij yawj gyaez dingq haenx yienj okdaeuj hawj vunz yawj, vunzlai haengjgyaez dangqmaz.

(Veiz Cujszw/韦祖祠)



▲ Haj cejnuengx vwnzyidui yienj heiq.

Yinznanz Guengjsae Haj Yienh Beixnuengx Doxcomz Cingsih Caemh Daiz Yienj Heiq

滇桂边境五县“贝侬”欢聚靖西 同台演绎文化大戏

8 nyied 19 hauh banhaemh, daih cibngeih gaiq Yinznanz Guengjsae haj yienh vwnzva gyauhliuz hozdung vwnzyi veiyenj aeu “Yienzfaenh Yinznanz Guengjsae, cingzndiep beixnuengx naekna” guh cawjdaez youq Cingsih Yen yinzminz lijdangz gawjbanh. Gyoengq beixnuengx daj Yinznanz Swngj Funingz Yen、Mazlizboh Yen、Majgvanh Yen caeuq Guengjsae Baksak Si Cingsih Yen、Nazboh Yen daeuj haenx doxcomz youq giz haenx, youh ciengq youh diuq,

doengzcaez hwnj daiz yienj heiq.

Vanjvei cezmuuz ndei yawj dangqmaz, gig miz daegsaek minzcuz, miz yenzswngghdai foux minzcuz、moegyau biujyienj、go foux、doiqfwen daengj lai cungj biujyienj hingzsik. Haemhde, mboujdanh miz vunzlai dangdieg Cingsih, lij miz beixnuengx seiq aen yienh wnq dieg henzguk doengzcaez daeuj yawj vwnzyi veiyenj dem, yienhciegz nauhyied angqyangz.

(Veiz Caijbingz/韦彩坪)



▲ Dahsau biujyienj ciengqgo.



▲ Diuqfoux cieq hek daeuj.

Nanzdanh Beixnuengx Bwzguyauz Angqhoh Ciet Siujnienz

南丹白裤瑶胞喜过小年节

8 nyied 15 hauh, Nanzdanh Yen Lijhuz Yauzcuz Yang Mbanjvangzsang 400 lai boux beixnuengx Bwzguyauz, daenj buhmoq vaqmoq ngoenzciet angq gvaq ciet siujnienz. Ciet siujnienz dwg aen ciet Bwzguyauz cei miz daegsaek minzcuz he, binaengz seizcin nyaengq sat le、seizcou gaxgonq senj dingh ngoenz ndeu gvaq ciet siujnienz. Ciet siujnienz ngoenzde, gak mbanj beixnuengx Bwzguyauz cungj cangndang moqsak gyaeuget, youh ciengq youh diuq, gaj gaeq gaj mou, yienj vwnzva minzcuz lai cungj lai yiengh, caez biujdap cung simcingz “gyo” mbaiq cojcoeng、maqmuengh demsou、baujyouh bingzan” ndeiraeuh ndeu.

(Fuz Lungzgyangz/符龙强)



▲ Beixnuengx Bwzguyauz gwn ngaiz daiz raez.